

*Oran Gaoil,
Cuir a chinn dilis.*

An Duanag, ullamh le Bard
mhic Illeain do chailein Iarla
Earraghaidheal.

Beannachadh nan Arm.



Printed for and Sold by the Publisher, Inverary.



CUIR a chinn dilis, tharum do lamh.

'S MI m shuidhe air an uilin,
A' tuireadh 's a' caoineadh,
Bhuail saighead a ghaoil mi,
Direach gu m shail,
Dh' fhas mi co lag,
'S nach b' urain mi direadh,
Le goirteas mo chinn,
'S cha do shin i dhomh lamh.

'S mi m' shuidhe air 'n tulaich,
An iumal na cuirte,
Aig anharc mo rùin,
'S an ionad ro ard,
Thug i le fiunn-aireachd,
Seallà dheth sùil orm,
Thiuntaidh i cùlabh,
Seachad air bàr.

Sheall mi m' dheoghaidh,
Gu frao'arc dhi fhaotainn,
Chunnaic mi h' aodann,
Farasta tlà,
Chunnaic me fealladh
A' mhealladh na milltean,
'S aimidich mi,
'S nach d' fhaod mi na pairt.

Tha maise ann' ad bhilibh,
 Cha 'n aithris luchd ciuil e,
 Thogadh tu sunnt ann tallachan aré,
 Leagadh leat seachad,
 Sar ghaisgich na ducha,
 Le sealladh do shul
 'S le guilain do ghnais.

Do bhraighe na 's gile
 Na canach na dìge,
 Chite dol sios
 'M fion bhainne blà,
 'S iumad rud eile
 Chan eil e ra fhaotain,
 Cait bheil i sa n t saoghal,
 Bean aogaisg mo ghraidh.

Do chùl mar an 'canach,
 Dealt mhilis 's cuirn air,
 Chumas 'n driuchd
 Gu dlù air a bhàr,
 Na chuailein air casadh,
 Na chleachdabh air lubadh,
 'S do cheannaicht an crun,
 Tha giulan a bhlàth.

Do ghruaidh mar na corcan,
 Beul socair o'm biun-sgeul,
 Deud'mar na disne' s finealta dh fhas,
 Do shliòs mar 'n eala,
 'S do mheal-shuilin mlogach,
 Thalaidh thu m'inntin 's cha till u gu brach.

*An DUANAG, ullamh le Bard mhic Illeain do
cailein Iarla Earraghaidheal.*

TRIALFAI mi leam dhuanais ullamh,
Gu Riogh Ghaidheal,
Fear aig am bi bailte domhail,
Sona saibhir.

Triath Earraghaidheal is fearr faicsinn,
'S a 's modha maitheas,
Cailein Iarla fui' chliù,
'S e fial 'le flaitheas.

Abhul uasal farsuing freamhach,
Da 'n cuibhe moladh,
Crann is ùire dh fhas roimh thalamh,
Lan do thoradh.

Seobhag is uaisle theid sna neulabh,
Crann thair chrannabh,
Mac rath thu chum Dià, gu h ullamh,
Do 'n chliar ealdhain.

Mur leoghan neartmhor neimhneach laidir,
Thu 'n am na trioblaid,
'S beag nach deachai Alb' air udal,
Gus 'n do theasraig.

*An tra thriaifas Cailein Iarla,
La shluagh bunaidh,
Cuirear leis air fairg 'o chalaimh,
Cabhlach ullamh.*

Loingis leathann, laidir' luchdar,
 Dealbhach dionach,
 Is sleamhnai slios a dhol san fhuaradh,
 Dar chruaidh ramhach.

Togar an sin an geal chrainn chorrach,
 Suas le 'n lonaibh,
 'S ioma ball bhiodh teann ga dheanadh,
 An am dhoibh seoladh.

Deantar ann stagh direach dualach,
 Mun bhraighe toisich,
 Togar na siuil mhor le maise,
 Le scoid-lin crosach.

Deantar an chluas sa n chich thoisich,
 Dhol san fhuaradh,
 Mar steud ro luath, struth ga sarach',
 'S muir ga bualadh.

Liuthad laoch fulangach meannnach,
 Dorngeal treubhach,
 A dh'ìmireadh lub air a h'alach,
 Sochdrach seitreach.

An deagh shluagh lionmhor fui'n lan-armachd,
 'O 'm barcaibh reamhra;
 Air adheaslaimh daonnan neart nanguimhneach
 Aig Rìgh Alba.

Le laoich a cheartais nuair a b' eiginn,
 Le cruaidh chogadh,
 Bhuithinn sibh buaidh 's tha sibh oirdbearc,
 'S fhuair sibh toiseach.

Ni 'n aithne dhomhsa bhur cairdean,
 Ge farsuing m' eolas,
 Ach 's ro chinteach leat gu'n eirich,
 Mac Leoid Leoghais.

Fuil Mhic Intoisich gu h ullamh,
 Feachd mhic Immi',
 'S maireg air 'n leagadh iad 'm buillean,
 'N am lann Iomairt.

Clann Illeain gu laidir lionmhor,
 'O 'n tìr Mhuilich,
 An dream thug buaidh ann sgach bealach,
 Sa b' fhearr fuireach.

Brollach chlann Domhnuill ort a feathadh,
 Da'n cliù buaidh larach,
 Uaislean Inse-gall gu coimhliont,
 Fir gun fhaillinn.

Fhuair thu sud 'o'n Rìgh s gu'm b' airi,
 Bhi t ard cheannart,
 Air fearabh Alba bhi t ard bhritheamh,
 Nithe sa n anama.

Tha thu t ard fhear coimhead agus gleathta,
 Air a' chrìch thall,
 Rainig us bbuadhaich thu air naimhdean,
 'S fhuair thu sìochaint.

Air ard chomhairlich na h Alba,
 'S tu'n stiur uile,
 Do cho maith cha d' fhuaradh an seanachas,
 'O linn Uilliam.

Walas flath na m fear gun choimeas,
 Ann measg dhaoine,
 Cailein na dheigh sin gun choimeas,
 An t Iarl' Aorach.

Ge ro mhor t inmh, t ainm us t onair,
 'S mo' do ghliocas,
 Rinn thu bun steidh na firinn,
 Us an cheartais.

Rinneadh leat dlithe cheart,
 Do lag 's do laidir,
 Beannachd gach aon duin ad chuideachd,
 Ghall us Ghaidheal.

An t Athair naomh bhidhuinn da d'ghleathadh,
 Us mac na firinn,
 An spiorad naomh a dhion do naire,
 A Rìgh Lochfine.

Ni n d'fhuaras do cho math do dh urrainn,
 'S ni mo do fhiarfas,
 A cheann na 'm fear bu phailt curam,
 Leat a thrialfainn.

Beannachadh nan Arm.

GUM beaunuiche Dia air claidhmhean,
 'S air lannan spainteach geur-ghlas,
 Air luirichean troma maillich,
 Nach gearrte le faobhar tais,
 Air lamhannan cruadhach 's air gorsaid,
 'S air sciathan ean-dealbhach dualach,

Beannuich gach armachd gu h iomlan,
 Thair ar n iumchar 's air crios guaille,
 Ar Boghannan foinealach iubhair,
 Ghabhadh lugha ri uchd tuasaid.
 'S na saighdean beithe nach spealgadh,
 Ann am ballagan a bhruic ghruamaich,
 Beannuich air bioddag 's air dagga,
 'S air n'eile gast ann an cuaichein
 'S gach trealaich cath, agus comhraig
 Tha m bàrc Mhic Dhomhnuil san uair se,
 Na biodh simpleachd oirbh na raise,
 Gun dol air ghaisge le cruadal
 Fhad sa mhaireas ce ithir buird dhith,
 Na bhios caraid shùdh dhith fuaite,
 Fad sa shnamhas i' fuidh'r casabh,
 Na dh fhuireas cnag dhith an uachdar,
 Dhaindeoin aon fhuathais ga'm faic sibh,
 Na meataiche gart a chuain sibh.
 Ma ni sibh cothacha ceart,
 'S nach mothaich an fhairge sibh diblidh,
 Gun iflich a h ardan sa beachd,
 'S gar cosnadh scairteil gun strioc i,
 Do cheile comhraig air tìr,
 Mar faic e thu cintinn tais,
 'S doch e bhogachadh san strìth,
 Na chintinn idir ni 's brais,
 'S amhil sin ud tà mhuir mhòr,
 Coisinn i le colg 's le sùrd;
 'S umhlaich i dhuit fa-dheoidh,
 Mar a dhordaich riogh nan dùl.

C R I O C H.